



30 SEP, 2025

KSN ketuai penerima pingat Sultan Kelantan

Berita Harian, Malaysia



KSN ketuai penerima pingat Sultan Kelantan

803 terima darjah kebesaran negeri sempena Ulang Tahun Keputeraan ke-56

Oleh Hidayatidayu Razali
bhnews@bh.com.my

Kota Bharu: Ketua Setiausaha Negara, Tan Sri Shamsul Azri Abu Bakar mendahului senarai 803 penerima pengurniaan kehormatan kebesaran negeri sempena Ulang Tahun Keputeraan Sultan Kelantan, Sultan Muhammad V yang ke-56 di Istana Balai Besar di sini, semalam.

Beliau dikurniakan Ahli Yang Kehormat Yang Pertama (Seri Paduka) Bagi Darjah Kebesaran Jiwa Mahkota Kelantan Yang Amat Mulia (SJMK) membawa gelaran Datuk.

Dua lagi penerima SJMK ada-

lah Pengerusi Lembaga Pengarah Perbadanan Insurans Deposit Malaysia (PIDM), Datuk Seri Zukri Samat dan Ketua Pegawai Eksekutif Asianmax Corporation Sdn Bhd, Datuk Soo Sze Ching.

Panglima Angkatan Tentera, Tan Sri Mohd Nizam Jaffar dikurniakan Ahli Yang Kehormat Yang Pertama (Seri Paduka) Bagi Darjah Kebesaran Kesateria Mahkota Kelantan Yang Amat Perkasa (SPKK) membawa gelaran Datuk.

Pada istiadat sama, Peguam Negara, Tan Sri Mohd Dusuqi Mokhtar dan Pengelola Istana Diraja Kelantan, Datuk Nik Mohd Shafriman Nik Hassan dikurniakan Ahli Yang Pertama (Seri Paduka) Bagi Darjah Kebesaran Setia Mahkota Kelantan Yang Amat Terbilang (SPSK) juga membawa gelaran Datuk.

Ketua Hakim Negara, Datuk Seri Wan Ahmad Farid Wan Salleh dan Penasihat Undang-Undang negeri Kelantan, Datuk Idham Abd Ghani dikurniakan Ahli Yang Kehormat Yang Pertama (Seri Paduka) Bagi Darjah Kebesaran Setia Mahkota Kelantan Yang Amat Terbilang (SPSK) membawa gelaran Datuk.

tan Yang Amat Terbilang (SPSK) membawa gelaran Datuk.

Ketua Polis Kelantan, Datuk Mohd Yusoff Mamat adalah penerima tunggal bagi Ahli Yang Kedua (Datuk Paduka) Bagi Darjah Kebesaran Mahkota Kelantan Yang Amat Mulia (DPMK) turut membawa gelaran Datuk.

Selain itu, sembilan penerima Ahli Yang Kedua (Datuk Paduka) Bagi Darjah Kebesaran Jiwa Mahkota Kelantan Yang Amat Mulia (DJMK) yang membawa gelaran Datuk termasuk Pengerusi Jawatankuasa Kebajikan, Pembangunan Keluarga dan Wanita negeri, Rohani Ibrahim; Timbalan Speaker Kelantan, Datuk Mohamed Farid Mohamed Zawawi; Pengarah Pusat Kajian Strategik Kelantan, Dr Wan Nik Wan Yusoff dan Ahli Dewan Undangan Negeri (ADUN) Galas, Mohd Syahbuddin Hashim.

3 terima Datuk Paduka DJMK
Tiga individu menerima anugerah Ahli Yang Kehormat Yang Kedua (Datuk Paduka) Bagi Darjah Kebesaran Jiwa Mahkota Ke-



Sultan Muhammad V berkenan mengurniakan Ahli Yang Kehormat Yang Pertama (Seri Paduka) Bagi Darjah Kebesaran Jiwa Mahkota Kelantan Yang Amat Mulia (SJMK) kepada Shamsul Azri sempena Ulang Tahun Keputeraan Sultan Kelantan di Istana Balai Besar, Kota Bharu, semalam.

(Foto BERNAMA)

lantan Yang Amat Mulia (DJMK) yang membawa gelaran Datuk, iaitu Pengerusi Heitech Padu Berhad, Datuk Rizal Ashram Ramli; Pengarah Urusan Magna Prima Berhad, Seah Ley Hong dan Ketua Pegawai Pembangunan TNB Power Generation Sdn Bhd, Shahrir Abdul Latiff.

Selain itu, lima individu menerima anugerah Ahli Yang Kehor-

mat Yang Kedua (Datuk Paduka) Bagi Darjah Kebesaran Kesateria Mahkota Kelantan Yang Amat Perkasa (DPKK) turut membawa gelaran Datuk termasuk Panglima Tentera Udara, Datuk Seri Muhamad Norazlan Aris; Panglima Wilayah Udara 1, Datuk Mahadzzer Amin dan Panglima Grup Artileri Pertahanan Udara, Datuk Azhar Mustapha.